

Andere fabeln außserhalb esopi

Das vierzigste blat



¶ Al seynde der menschē die höhere ding suchēd wā
ynen czū gehoret .auch sterckere werck würcken
wöllent wan ir stat ist .suchēt auch wollust mer wā
inen gebürlich ist .vnn̄d gewonlich werdent sy vil
miderer .als vil sy zehoch gestigē seint Dar von hör
eyn fabel ¶ An eynem morgen frū . als der dag
her brach .stund eyn wolff auff auß seynem leger .
vnn̄d er sich erstreckt vnd seyne gelid rācket lief
er eyn grossen scheiß vñ sprach Ich lobē die gōt wā
ich mit hochzeitlicher speiß er setzet als mir meyn hinder
gewepset hat vnd als er vmb seyn speiß auß geing .do
fand er eynen gantzen schmer laib auff der straf .der
eynem furmā empfallen was .den keret er hin vñ
her vnd sprach .ich wil von dir mit essen .wan du
hast mir meynen leib entrichtert .warumb wolt
ich auch von dir essen so ich weis das ich von hoch
zeitlicher speiß sol gesetzet werde als mir hüt frū
meim ars hat gewis saget .Er gieng furbas vnd
fand einen gārzen trucknē gefaltzē bachē er keret
yn vmb vnd sprach .do wil ich nicht essen wann du
hast mir vor grossen durst gemacher .vnd warumb
wolt ich dich essen .so ich wist dz ich mit hoch
zeitlicher speiß sol gesetzet werden .als man
weissagung zeyget .Er gieng furbas vnn̄d fand eyn
stūt mit eynem fül hū auff der weid vnd sprach .
gelobt sey got wan ich weis doch wol das ich hüt
hoch zeitlich solte gespeisset werden .vnd sprach
zū der stūt .Fürwar swester ich wurde dein
fūlhū essen .Die müter sprach wā die gefällig
sey dz thū Als ich aber gestern bin vmb
gegāgen . hab ich in eynem dozn getretē
biet ich dich du wollest mir in vor auß dē
fūß ziehen .wā du bist fūr einen artzet gerümet .
dar noch is das fūlhū .do gieng der wolff zū
item fūß vnd wolt ir dē dozn auß ziehen .do
schlug das stūt pferd den wolff mittē an seine
stirnen das er vmb crumelt vnd ee dz er wider
czū seynē krefftē kam do was die stūt mit dem
fūlhū in den walt entrunnen .Do aber der
wolff wider czū im selbs kōmen was do sprach
er .mir ligt nichts an diser schmach wā ich
wol weis dz ich noch heüt reichlich würt
gesetzet nach meynen vorkund .Er scheid
aber von dan vnn̄d kam auff eyn wismad .do
fand er zweyn wider miteinander turten
vnd kempfen .vnd sprach . Lob sy got .
petz wil ich mich guter speiß ersetzen .
Vnd sagt fürwar ir brūd ich müß eynen
von euch esse .Antwürt der eyn .wie du wilt
also thū .doch so gib vor eyn recht vrtail
zwüschen ons . Das wismad ist vnserer
vetter gewesen vnd kunden es nicht mit
lieb geteilen .vnd seint darumb in tötlichen
kampff getretten .Der wolff sprach .ich
thū es wan ich eüwer meynung weis .
Do sprach der eyn wider O herre so merck
mich .wie meinen also .du solt stan ob
es dir gefalle .mitten auff das wismad
so gee ich an dz eyn ort .vñ der ander
wider an dz ander ort .vnd welcher ee
zū dir köpft des sol dz wismad seyn dē
ādern solt dū essen Do sprach der wolff dz